



Халқ сўзи

Ўзбекистон —
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган • WWW.XS.UZ • E-mail: Info@xs.uz • 2025 йил 16 август, № 167 (9062)

Шанба

Сайтимизга ўтиш учун QR-кодни телефонингиз орқали сканер қилинг.



ВАТАН УЧУН, МИЛЛАТ УЧУН, ХАЛҚ УЧУН!



Президентимиз Шавкат Мирзиёев раислигида мустақиллигимизнинг 34 йиллиги арафасида “Ватан учун, миллат учун, халқ учун!” бош ғоясига ҳамоҳанг тарзда олий таълим муассасалари битирувчилари бандлигини таъминлаш масалалари юзасидан тарихий анжуманнинг ўтказилиши мамлакатимиз бугуни ва келажаги учун ўта муҳим аҳамият касб этади. Зеро, юртимизнинг ҳозирги куни, истиқболи навқирон, азму шижоатли, билим ва тафаккурга тўла баркамол авлод қўлида. Бугунги ёшлар, давлатимиз раҳбари таъкидлаганидек, барча соҳада мамлакатимиз байроғини баланд кўтаришга қодир, янги Ўзбекистон бунёдкорлари сифатида янги тарих яратадиган олтин авлоддир.



ЯНГИ ТАРИХ ЯРАТАЁТГАН АВЛОД — ФАХРИМИЗ

Ўтган давр ўқинчи ва бугуннинг ҳаваси

Анъанага кўра Бухоро давлат университети фахрийлари хонадонига ташриф буюрдик. Кўп йиллар таълим тизимида раҳбар, педагог-ҳодим бўлиб ишлаган нурунийлар билан самимий суҳбатда улар ўзларининг талабалик хотиралари, олий-гоҳда фаолият юритган даври ҳақида сўзлаб берди. Кейинги йилларда соҳада юз бераётган ўзгаришлардан хурсандлигини айтиб, тизимда ишлайётган бугунги авлодга ҳаваси келишини таъкидлашди. Ёшларнинг олийгоҳларга ўқишга киришидан тортиб уларни битириб ишли бўлишигача давлат сиёсати даражасида эътибор қаратилаётганини алоҳида қайд этдилар.

Ҳақиқатан ҳам, ёш авлод тақдирига бундай муносабат, ғамхўрлик илгари ҳеч кузатилмаган. Бугун ёши улуг инсонларнинг кўпчилиги оддий

ўқиш учун етишмайдиган адабиётларни излаб, овораю сарсон бўлиб, қониқарсиз шароитдаги аудиториялар, ўқув хоналари, лабораторияларда таълим олиб, минг ташвишлар билан ўз йўлини топган.

Ишга жойлашиш масаласи-ку, ҳақиқий муаммо ҳисобланарди. Аниқроғи, ота-онанинг чўнтаги “бакуват”, таниш-билиши бўлганлар яхши иш ўринларига жойлашарди. Бу анъана мустақилликнинг 20 йиллигига қадар ҳам у ёки бу кўринишда давом этиб келди.

Ҳозирги кунда фарзандларимизнинг ўқишга кириши, ишга жойлашиши учун кенг шарт-шароитлар яратилаётган янги Ўзбекистонни барпо этиш мақсадида босқичма-босқич амалга оширилаётган улугвор ислохотларни кўриб, фақат ва фақат қувонамиз. Ана шу эзгу ишларга қамрабаста бўлаётганимиздан фахр ҳиссини туямиз.

Нуқтаи назар



Илдизи қирқилган иллатлар

Мустақилликдан кейин ҳам олий таълим тизимини ўнглаш анча қийин кечди. Барча соҳа сингари институт ва

университетларнинг аксарияти собиқ иттифоқ даври биналари ва жиҳозлари билан “бойитилган” ҳолда кўриниш берарди. Бир қанча олийгоҳларнинг эса ўзини ўнглаш даражаси кун сайин сусайиб кетаётганди.

Сенаторлар — ҳудудларда

НАМАНГАН ВИЛОЯТИДАГИ ИСЛОХОТЛАРНИНГ БОРИШИ ТАҲЛИЛИЙ ЎРГАНИЛДИ

Аввал хабар қилганимиздек, Олий Мажлис Сенати Раиси Танзила Норбоева Наманган вилоятида бўлиб, қатор йиғилишлар ўтказди.

Кунги кеча эса Олий Мажлис Сенати Кенгашининг навбатдаги сайёр мажлиси бўлиб ўтди.

Мажлисида парламент назорати доирасида вилоят ҳудудларини ижтимоий-иқтисодий ривожлантириш, аҳоли бандлигини таъминлаш ва камбағалликни қисқартириш бўйича белгиланган вазифалар бажарилиши муҳокама қилинди.

Таъкидланганидек, шу йилнинг биринчи ярим йиллигида ялпи ҳудудий маҳсулот 35,3 трлн. сўмни ташкил қилган. Вилоят иқтисодиёти 7,3 фоиз, шу жумладан, саноат — 9,1, қурилиш соҳаси — 8,5, хизматлар кўрсатиши —

12, қишлоқ хўжалиги 4,4 фоизга ўсган.

Инвестиция дастурлари доирасида 248,6 млн. долларлик 445 та лойиҳа ишга туширилган, қарийб 11 минг иш ўринлари яратилган. 1,6 млрд. долларлик тўғридан-тўғри хорижий инвестициялар ўзлаштирилган. Экспорт ҳажми 319,2 млн. долларга етиб, ўтган йилнинг мос давридагига нисбатан 104,2 фоиз ўсган. 492 турдаги маҳсулот 46 та хорижий давлатга чиқарилгани эътиборга молик.

Кичик ва ўрта тадбиркорлик фаолиятига 2,4 трлн. сўмлик кредит маблағлари ажратилган. Ҳоким ёрдамчилари ҳамда маҳалла банкчилари кўмагида 19,5 мингта микролойиҳа ишга туширилгани натижасида 40 мингта иш ўрни яратилган.

Аҳолини даромадли меҳнат билан таъминлаш дастури доирасида 191 минг кишининг бандлиги таъминланган. Камбағал оилалар реестридан 8,5 мингдан зиёд оилалар ёки 31,5 минг аҳоли чиқарилган.

Муҳокама жараёнида сенаторлар вилоятда сезиларли ижобий ишлар амалга оширилганини қайд этиб, ҳал қилиниши лозим бўлган масалаларга ҳам эътибор қаратди ҳамда масъул раҳбарларнинг ахборотлари эшитилди.

Олий Мажлис Қонунчилик палатасида

ҚАРОР ИЖРОСИ ДЕПУТАТЛАР ЭЪТИБОРИДА

Олий Мажлис Қонунчилик палатасининг Демократик институтлар ва фуқаролик жамиятини ривожлантириш масалалари қўмитасининг кенгайтирилган йиғилиши бўлиб ўтди.

Унда Президентимизнинг “Қорақалпоғистон Республикаси Вазирлар Кенгаши ҳузурда Маҳаллаларни қўллаб-қувватлаш жамғармасини ташкил этиш тўғрисида”ги қарори ижроси ҳолатини назорат-таҳлил тартибида ўрганиш яқунлари муҳокама қилинди.

Таъкидланганидек, сўнгги йилларда Қорақалпоғистон Республикасини ривожлантириш бўйича кенг кўламли ишлар амалга оширилмоқда. Хусусан, бугунги кунда Нукус шаҳридан бошлаб, туманлар ва қишлоқлар, ҳатто энг чекка овуллар ҳам ҳар томонлама ўзгариб, ривожланиб борапти. Замонавий корхоналар, таълим, тиббиёт, маданият, спорт ва

ижтимоий соҳанинг бошқа объектлари, коммуникация тармоқлари қурилмоқда.

Депутатларнинг ҳудудда бўлиб ўтаётган ҳар бир учрашув ва мулоқотлари ҳам аҳолининг фаровонлигини таъминлаш мақсадларига қаратилган.

Қорақалпоғистон Республикаси Вазирлар Кенгаши ҳузурда Маҳаллаларни қўллаб-қувватлаш жамғармаси ташкил этилди. Ҳудуддаги 452 та маҳалланинг ҳар бирига 500 млн. сўмдан жами 226 млрд. сўм миқдорда маблағ ажратилди. Ушбу сармоялар ҳисобидан лойиҳаларни шакллантириш ва амалга ошириш мақсадида Нукус шаҳри ва туманларда тегишли комиссиялар тузилди.

МАЪНАВИЯТ ОРҚАЛИ УЙҒОНАЁТГАН МИЛЛАТ

Миллатнинг қайта тугилиши, аввало, қалбда содир бўладиган маънавий уйғонишдир. Узглигини англаган, тарихи ва келажаги учун масъулиятни ҳис этадиган халқгина юксак тараққиёт сари дадил интилади. Бу борада улуг маърифатпарвар Абдулла Авлонийнинг “Миллатнинг маънавий тарбияси камол топиши мумкин эмас. Маънавият — миллатнинг фойдаси, хулқи, дунёқарashi, инсонпарварлика ва илмга бўлган муносабати” деган сўзлари бугунги ислохотлар моҳиятини янада теран англашга ёрдам беради.

Мушоҳада

Шу маънода, янги Ўзбекистонда кенаётган ислохотлар мазмунини ҳам маънавиятни тиклаш, жамият онгини юксалтириш, халқ қалбига фахр ва бирдамлик туйғусини шакллантиришга хизмат қилмоқда.

Янги Ўзбекистоннинг муваффақиятли келажагини тасаввур қилишда маънавият эндиликда оддий мафқуравий восита эмас, балки фуқаролик жамиятини шакллантирувчи, давлат барқарорлигини таъминловчи стратегик асос сифатида майдонга чиқмоқда. Бу асосни мустаҳкамлашда эса Президентимиз Шавкат Мирзиёев раҳнамолигида амалга оширилаётган кенг қамровли ва теран маъ-

навий ислохотлар ҳал қилувчи ўрин тутмоқда. Бу борада маънавиятга оид ҳар бир ташаббус, маданият ва санъат соҳаларидаги ҳар бир ўзгариш инсон қалбига қаратилмоқда. Санъат ва маънавият орқали ҳар бир инсонда миллатга, жамиятга дахлдорлик туйғусини уйғотиш асосий мақсадга айланган.

Президентимиз ташаббуси билан амалга оширилаётган тизимли ислохотлар натижасида ижодкорларга яратилаётган имкониятлар, миллий меросни асраб-авайлаш ва дунё миқёсида тарғиб этиш борасидаги чора-тадбирлар — буларнинг барчаси умуммиллий уйғонишга ҳисса қўшмоқда.

Факт ва рақамлар

КРЕАТИВ ИҚТИСОДИЁТ РАВНАҚИ УЧУН КЕНГ ИМКОНИЯТЛАР

Маданияти бой ва ранг-баранг юртимизда креатив иқтисодиёт равнақи учун жуда кенг имкониятлар яратилган. Бугунги кунда бу соҳада **14 мингта** корхона фаолият юритиб, уларда қарийб **100 минг** киши меҳнат қилмоқда.

■ Келгуси 5 йилда креатив иқтисодиёт ҳажмини **2 карра** кўпайтириш, ялпи ички маҳсулотдаги улушини 5 фоизга етказиш мақсад қилинган.



Креатив индустриянинг энг катта соҳаларидан бири — хунармандчилик. Йилнинг ўтган даврида бундай маҳсулотлар экспорти **6,5 миллион доллар**ни ташкил қилди.

Хунармандчиликни янада ривожлантириш мақсадида:

- Буюк Британия Қироллик фонди билан ҳамкорликда Тошкент шаҳрида академик платформа яратиш режалаштирилган;
- у орқали магистрлар тайёрлаш,

тадқиқотлар ўтказиш, ўқув қўлланмаларини амалиётда қўллаш йўлга қўйилади;

■ платформа билан **3 мингдан** зиёд иқтидорли хунармандлар босқичма-босқич қамраб олинади. Кейинчалик уни амалий санъат мактабига айлантириш кўзда тутилган.



■ Буюк Британия Қироллик фонди билан ҳамкорликда Тошкент шаҳрида академик платформа яратиш режалаштирилган;

■ у орқали магистрлар тайёрлаш,



